

КОЛХОЗНИК

ВКП(б) Сыктывднса райкомлн да уджалысь йдз депутатъяс районной Сöветлн орган

85 (739) || 1941 во. Октябрь 11 лун. || Доныс 10 ур

ОБЕСПЕЧИТНЫ КОЛХОЗНОЙ СКОТЛЫ ПОТОСА ДА ШОНЫД ТОВИОМ

Бөръя вояс чöжөн колхозной общественной животноводство развивайтöмын шедöлдмагырьсы успехъяс. Колхозъясын котыртöмагырьсы фермаяс, содис скöтлн поголовье, кыптис сылн продуктивность. Передовой колхозъяс не сöмын тыртисны, но и содтöдөн тыртисны животноводство развивайтöм кузя государственной план. Сэтшöм колхозъяс, кызди „XVII-öд партсъезд“, „Чарла мöлдт“, Ильич нима, „Вильнога удж“, „Красной Армия“ да мукöд колхозъяс государственной план тыртисны 110—115 прöцент вылö, котыртисны да укомплектуйтисны нель животноводческой фермадн. А татшöм колхозъясныс районъын лыддыссыöны дасъясöн.

Развитой животноводство сетö колхозъясы да колхозникъясыгырьсы доходъяс. Колхозъяс сетöны государственной яй, йöв, вый, вурун, ку да мукöд продукция. Öнi, великой отечественной война лунъясö, колхозной крестьянство сетö ассыс став вывъясö сы вылö, медым сетвы страналы унджык продукция, обеспечитны мянлы героической Красной Армия да славной Военно-Морской Флот тырмымöн яйöн, выйöн, йöлöн, кöмöн да паськöмöн, став сийöн, мый колö врагöс разгромитöм вылö.

Военной обстановка требуйтö быдöнсян уджавны военнöя — кыкмывдаалöм, куиммындаалöм энергияöн, ставсö фронт интересъясы подчинитöмöн.

Матысмö тöв. Колхозной скöт регыд пырас картаясö. Тавося сельскохозяйственной уджъяс завершайтöмкöд тшöтш колхозной скöтöс тöвйöдиг кежлö лöсьöдчöм—öнияд кадся первоочередной мог. Обеспечитны скöтлы шоныд, пöгöдса тöвйöм—быд колхозлн да колхозниклн обязанность.

Районса передовой колхозъяс обеспечитисны тöв кежлö скöтлы тырмымöн грубой да сочной кöрымъяс. Найö пунктисны турун не сöмын видзъяс вылысь, но и вöркостъясысь, боръясъсы, содтöдөн тыртисны сылосуйтчан план. Тайö отношенииын примернойöв являйтчöны йбса, Лзымса да Зеленечса колхозъяс. Но оз позь тайöс шуны районса став колхозъяс йылысь. Сылосуйтчан планкö район пасьта тыртöма 98 прöцент вылö, то öткымын колхозъяс эз тыртны

грубой кöрым чукöртöм кузя план, эз тырмымöн сылосуйтвы кöрым дайэтша мый вöчöны öни кормовой баланс содтöм кузя.

Колö используйте став позянлунъяс содтöд кöрым лöсьöдöм вылö, примитны став мераяс сы могысь, медым заготовитöм турун вöлис тырвийö сохранностьын. Не лэдзны таргайтны ни öти килограмм турун, идзас, жуг да мукöд кормовой культураяс. Колö öвисян жö составитны вердчöм кузя нормаяс, медым кöрым рöскодуйтны кöзъяскöд, не шыбланны скöтлы кок улö и не лэдзны скöтлысь öмöлтчöм да продуктивностьюсь чинöм.

Колхозса быд председа тель должен примитны став мераяс сы могысь, медым öни, скöтöс картаясö йöртöдз, укомплектуйтны став фермаяс, лöсьöдны тырмымöн грубой да сочной кöрымъяс, лöсьöдны суточной рацион, индыны колхозын ответственнойöс кöрым рöскодуйтöмысь.

Скöтöс тöвйöдиг кежлö лöсьöдчöмын мöд зөв важной вопрос—сийö животноводческой постройкас стрöйтöм да ремонтуйтöм. Колö нöшта и нöшта öтчыд видзöдлыны скöт картаяс, ремонтуйтны найöс, вöчны сдз, медым сөнi скöтлы вöли шоныд, югыд да уютнö.

Передовой колхозъяс и тави петкöдлöны пример. Найö вевъялисны вин нудны колана ремонт. Сдз, „КИМ“ колхоз ремонтуйтис скöтной двор да свинарник, „Красной Армия“ колхоз — скöтной двор. Передовойясысь пример колö босытны став колхозъясы.

Скöтöс тöвйöдиг кежлö лöсьöдчöмын некутшöм успокоенность да благодущие оз вермы лоны. Успокоенность тайö вопросын военной кадся условиясы—преступление. Обстановка требуйтö не сöмын сохрavitны став поголовье, но и содтыны сийöс. Сдзкö колö уджавны военнöя, став позянлунъяс да ресурсъяс используйтеöмöн.

Партийной да советской организацияяс, земельной органъяс долженöсь сетны тайö вопросылы медся серьёзной внимание, систематически занимайтчыны тайöн быд колхоз кузя торйöн. Могыс сын, медым обеспечитны колхозной скöтлы пöтöса да шоныд тöвйöм.

Колхозникъяо да колхозницаяс! Обеспечитам шоныд вещилюби мианлысь Красной Армия, кодi нудö героической тыш фашистской разбойникъяоло паныд! Сдайтöй Красной Армиялы полушубокъяс, ыж куяс, гынкöмъяс, фуфайкаяс, бельё, вурун, кепысыяс, шапкаяс, ватной гачъяс, курткаяс да мукöд шоныд вещияс!

Сöветской Информбюросян

Октябрь 9 лун, рытъя юöртöм

Октябрь 9 лун чöжөн мян войска нудисны прöтивниклы паныд бойяс став фронт вылын, торйөн чорыдöс Вяземской, Брянской да Мелитопольской направлениясын.

Октябрь 7 лун чöжөн бырöдöма 34 немецкой самолёт. Мян воштöмъяс—17 самолёт.

25 немецкой самолёт зилсны уськöдчыны. Мурманск кар вылö, но найöс вöли вöтлöма Кузнецов да Головня ёртъяслн авиачастьяса лётчикъясöн. Воздушной бойясын уськöдöма прöтивниклысь 8 самолёт. Öкмыс фашистской лётчикöс, кодъяс чеччытисны парашютъясöн, босётöма пленö.

Фронтлн Западной направленияс участкасысь öти мян оборона линияйö пырöмöн, немецъяс шыбытисны бойö войскалысь ыджыд мотомеханизированной группа. Прöтивниклысь натиск отражайтöмöн, полковник Катковлн часть вöчис фашистъясы тöдчана урон. Танковой сражение дырйн немецкой воштисны 30 сайö танк, 19 противотанковой орудие расчөтъясöн, 9 грузовик пехотаöн, öти зенитной батарея, öти тяжёлой орудие да виöмöн 400 сайö солдатöс.

Фронтлн Юго-Западной направленияын прöтивниклысь чорыд атакаяс венöмöн, мян öти часть куим лун чöжся бойясын бырöдис 500 сайö солдатöс да офицерöс, 7 танк, уна орудиеяс, миномётъяс да автомашинаяс пехотаöн. Мян войска захватитисны разной калибраа 16 исправной орудие, öти зенитной установка, уна автомашинаяс да мотоцикляс, витрактор, уна минаяс, снарядъяс, патронъяс да разной военной имущество.

Мян штурмовой самолётъяслн шестёрка капи-

тан Иванов командование улын фронтлн Юго-Западной направленияс участкасысь öтиын разведывательной полёт дырйи бомбитис немецкой мотомехколонна. Удачной бомбардировка результатын бырöдöма 13 фашистской танк, 21 автомашина, 9 мотоцикл да 200-öдз солдатъясöс да офицеръясöс.

Партизанской отряд Иван ёрт командование улын лун и вой тревожитö фашистской частьясö фронтлн Западной направленияс районъясысь öтиын, кодöс оккупируйтöма немецъясöн. Тайö лунъясö отрядса разведчикъяс донеситисны сы йылысь, мый ыджыд немецкой частьлн штаб мунö öти сиятысь мöдö. Командир решитис перехватитны штабной машина. Кык пулемётöн да гранатаясöн вооружитчöмöн, партизанъяс дзөбисны туйдорö. Штабной машина 100 метр ылнаö матыстчыны лэдзöмöн, пулемётчикъяс восьтитисны сы кузя би. Немецкой офицер, шофер, солдатъяс да мотоциклист уськöдчисны да пышйисны вöрö. Партизанъяс захватитисны штабной документъяс, а машинасö сотисны.

Неважөн отряд кыйöдис немецкой автоколонна. 150 метр ылнасян партизанъяс восьтитисны фашистъяс кузя ён пулемётной би. Вöли жугöдöма прöтивниклысь некимын грузовик обмундированиеöн да разной военной имуществоöн. Немецкой отрядкöд рукопашной схватка дырйи партизанъяс виисны 8 вражеской солдатöс.

Торйөн удачной вöли ыджыд вражеской аэродром вылö войся налёт. Партизанъяс шьтöг снпмитисны немецкой часöвöйясöс да горючей тыра бутылкаясöн бырöдисны кык неприятельской самолёт, кодъяс находитчисны аэродром вылын.

Германской армияöн ок-

купируйтöм странаысын немецкой властьюс водзö мырддьялöны населениелысь шерстяной да меховой паськöм, одеялöяс да лыжи. Норвегияын гестаповецъяс быдса тöлысьнин нудöны массöвой обыскъяс. Немецкой полиция войясын усыласö норвежецъяслн квартираясö да захватывайтö медбөръя шоныд паськöм да одеялöяс. Гитлеровецъяс оз кольны одеялöяс веснг сьöкыда висысысылы. Пасйысьöны уналыда случайяс норвежской нывбабаясö зверской нойтöм кузя, кодъяс зильöны сопротивляйтчыны гитлеровской рöзбойникъяслн боровской действиясылы паныд.

Самоотверженнöя трудитчöны текстильной промышленностис работникъяс, фронтлы да тыллы колана тканьяс лэдзöм содтöмöн. Фрунзе нима Московской фабрикаса 254 ткачиха обелуживайтöны куим станокöн пыдди нель станокöн. Ткачиха Порунова ёрт кык вежон чöжөн планысь вывтi вöчис 400 метр вылын качества ткань. Ватерщица Кузнецова ёрт обелуживайтö 624 веретено 500 пыдди; кык вежон чöжөн нормаясь вывтi сийö выработайтис 289 килограмм шöрт. Московской областыс Ликинской фабрикаса ткачиха Жукова ёрт обелуживайтö, норма серти, 2,5 пöв унджык станок да задание тыртö 300 прöцент вылö. Барнаульской меланжевой комбинатса ткацкой фабрикасыс мастерлн отсасысыс Голосов да Дягилев ёртъяс вöйдөр обелуживайтисны 48 станок, öни обелуживайтöны 60. „Красноволжская мануфактура“ фабрикаын Жуков ёрт веськöдлöм улын монтажникъяслн бригада 6 ватер смонтируйтис 18 лун 36 лун пыдди.



Действующей Красной Армия. СНИМОК ВЫЛЫН: Танкъяс петöны атакаö. Фото Л. Великжанилн. (ТАСС).

Районса медбур йёз пырöны партия радъясö

Районса предприятиеяссь, колхозьясысь да учреждениясысь медбур йёз—производство вывса передовикьяс да стахановецьяс пырöны Ленин—Сталин партия радъясö. Найö лыддöны асланыс долгöн рöдиналы грозной луньясö йитны асёныныс олöмсö рöднöй партиакöд, сетны большевистскöй партиялы ставсö—асёныныс вынъяс, знаниеяс, а ковмаскö и олöм.

Фронт вылын героическöй боецьяс да командирьяс бойö мунтöдз сетöны заявление корöмön, медым найöс примитисны великöй партия радъясö, корöны лыддыны найöс коммунистьясöн. Отечественнöй войнаын фронт да тыл единёйсö. И тылса героическöй труженикьяс ответственной задание получайтöмön, корöны лыддыны асёнысö сёдзöб коммунистьясöн. Тайöн найöс выражайтöны асланыс рöднöй партиялы джуджыд преданность да номтöм доверие.

Бöрья кадö районса первичнöй партийнöй организацияяс обсуждайтисны „Правда“ газетлысь сентябрь 3 лунся передовöй статья „Рöдинаса медбур пиян пырöны Ленин—Сталин партия радъясö“. Ком-

мунистьяс асланыс собранияяс вылын индены партийнöй уджын тырмытöмторьяс, индены практическöй мероприятияяс партиялысь массаяскöд йитöдьяс паськöдöм да ёнмöдöм кузя. И результатьяс өз заставитны дыр вичыныны. Массаяс пöвсын став партийнö политическöй удж тöдчымön бурмис, районса медбур йёз заводитисны локны партияö.

„Комилес“ трестлөн Сыктывдин леспромхозса первичнöй партийнöй организация примитис партияса шленö кандидатön Граддор вöрпунктса начальник Старцев ёртöс. Старцев ёрт выдвинитчис руководящöй удж выль рабочöй-сянь и аслас уджөн справляйтчö бура. Вöрпункт являйтчö передовöй предприятиен район пасьта. Сийö кварталнöй план тыртис сентябрь 25 лун кезлö пöрдчöм кузя 188,3 прöцент выль да кыскасьом кузя 145,9 прöцент выль.

Райисполкомса парторганизация бöрья кадö примитис партия радъясö райзоса зоотехник Бажуков ёртöс, кодö являйтчö не сöмын передовикön аслас удж кузя, но и бур общественникön.



Москваса уджалысь йёз сдйтöны шоньд паськöм Действующей Армияö мөдöдöм могысь. Снимок вылын: Швейнöй мастерскöйса сотрудница З. Е. Сафонова принимайтö шоньд бельё да комкот Дзержинскöй районса рабочöйсянь да служащöйсянь.

Фото Н. Кубеевлөн (ТАСС).

Сöветскöй патриотьяслөн баты

Павел Иванович Оплеснин—Вильгортса „Краснöй партизан“ колхозын знатнöй морт. Честнöй, добросовестнöй удж обеспечитис Оплеснин ёртлы шуда олöм.

Гажаа да лöсьыда овсис Павел Ивановичлы странаын, көнi быд уджалысь морт ачыс көзяин. Сийö нимкодясис аслас шуда олöмön.

Но 1941 вося июнь 22 лунö тайö олöмсö торкис германскöй фашизм, кодö вероломнöй уськöдчис миян рöдина выль, медым мырддыны миянлысь озырлунъяс, пöртны рабьясö 200 миллионнöй сöветскöй народос. Но тайö оз удайтчы. Страна дорйыны сувтис став сöветскöй народ, миянла дорын став передовöй человечество. И абу ниш ылын сийö кад, кор Гитлер да сылөн преступнöй клика аддзасын аслыныс гу.

Рöдина дорйыны Павел Иванович мөдöдис куим пи—Иванöс, Борисöс да Алексейöс.

— Нöйтöй врагöс быдлаын, чорыда да пöщадатöг, гортö локтöй победаён, а ми, тылö колысысь, огö подкачайтöй. Ми век лоам тиянкöд да кутам тиянлы сетны став колана отсöг.

Татшöм наказ сетис Оплеснин ёрт пиянсö фронт выль мөдöдигön.

Павел Иванович пöрысьнин—тыртö 70-öд арöс, но сийö ёна на уджалö колхозын. Кольöм во öтнас выработайтис 276,9 трудодень, а гöтырыскöд—432 трудодень.

А таво, великöй отечественнöй война лунъясö, асёныс пиянсö Краснöй Армияö мөдöдöмön, Павел Иванович уджалис нöшта напряженибиджыка. И выработайтис 200 сайö трудодень.

М. ИЛЬЧУКОВ.

Вильгортын да Нювчимын светомаскировка нудöм йылысь

Сыктывдинса райсöвет исполкомлөн решение

Райсöветлөн исполни- тельнöй комитет решитис:

1. Обязитны райцентрса да Нювчим поселокса учреждениясысь да предприятиясысь руководительясö нудны асланыс учреждениясын да предприятиясын светомаскировка кузя подготовка 1941 вося октябрь 10 лун кезлö:

а) пемдöдны öшиньяс да öдзöсьяс, кодьяс иментöны кильчö либö дворö стекляннöй просветьяс, сэтшöм расчётön, медым помещениеысь свет оз вöлi тыдав улича вылын либö дворын;

б) öшиньяс да öдзöсьяс пемдöдöм нудны плотнöй сьöд материалön, пу ставняеён, кодьяс оз иментны щельяс, плотнöй сьöдöдöм бумагаысь вöчöм занавескаеён да мукöд занавескаеён, кодьяс оз пропускайтны свет улича выль да дворö.

2. Обязитны райцентра да Нювчим поселокса став гражданабс светомаскировка нудан кадын пемдöдны квартираяс, кухняяс светомаскировочнöй средствоёён, тупкавын öшиньяс плотнöй сьöд тканьön, öдеялöсьён, ставняеён да с. в.

3. Райцентрса да Нювчим поселокса предприятияяс, учрежденияяс, организацияяс да став граждана, кодьяс оз вермыны обеспечитны асёнысö светомаскировочнöй средствоёён, обязанбсь воздушнöй тревога сигнал серти выключитны электросвет, ку- сөдны лампаяс да воздушнöй тревога отбойöдз не öзтыны би.

4. Светомаскировка правилöяс нарушайтöмысь мыжаяс выль пуктыны штраф 25-сянь 500 шай-тöдз, а светомаскировка нудöмысь злостнöй уклоняйтчан случайын кыскыны уголовнöй кывкүтöмö.

5. Светомаскировка правилöяс соблюдайтöм бöрся контроль пуктыны районнöй да сельскöй милиция да МПВО штабьяслөн состав выльö.

6. Пробнöй светомаскировка нудны Вильгортын да Нювчим поселокын октябрь 13 да 14 лунъясö 2 часён—8 часеянь 10 час рытöдз.

Райсöвет исполкомса председатель—К. ПОПОВ. Райсöвет исполкомса секретарь—Л. ОСИПОВА.

1941 вося октябрь 7 лун.

Вильгортса уджалысь йёзлөн фронтлы пöдаркияс

Вильгортса уджалысь йёз—колхозникьяс, райцентрса рабочöйяс да служащöйяс пöся откликнитчисны оборона фонд лöсьöдöм выльö. Став предприятиясын, колхозьясын да учреждениясын уджалысь йёз решитисны быд тöлысь отчисляйтны оборона фондö öти-кык лунья зароботок врагöс тырвйö разгромиттöдз.

Нöшта ыджыдджык подьёмön уджалысь йёз заводитисны чукöртны да мөдöдны краснöй боецьяслы фронт выльö пöдаркияс—шоньд паськöм.

Вильгортса колхозникьяс, рабочöйяс да интеллигенция фронт выльö мөдöдисны 35 пара гынкöм, 11 полушубок, 39 пара кепысь, 28 шапка, 35 шоньд дөрöм, 62 фуфайка, 4 öдеяль, 16 пара бельё, 32 полотенце, 10 наволочка да 10 матрац.

Таясь кындзи колхозникьясынь да мукöд уджалысь йёзсянь поступитис районнöй комиссияö 65 ыж ку, 47 кукань ку, 7,5 килограмм вурун.

Уджалысь йёз тырöмабсь öти желаниеён, öти чувствöён—вöчны ставсö сы мо-

гысь, медым отсавны Краснöй Армиялы да Военно-Морскöй Флотлы разгромитны гитлеровскöй людоедьясöс. Найö оз жалитны та могысь нивöм, ни асёныныс вынъяс, ни сбереженнеяс да вецияс.

Но такöд тиöтш колö пасйыны и сийö, мый öткымын руководительяс өз кужны котыртны уджалысь йёзöс, өз возглавитны налысь патриотическöй подьём, а став делöсө лэдзисны самотёк выльö.

Тайö отношенииын торйöн ыджыд нюжмасьöм тöдчö Вильгортса „Краснöй маяк“ колхозын да „Комилес“ трестлөн Сыктывдинса леспромхозын. Татысь руководительяс оз көсейыны гөгöрвоны фронт выльö шоньд паськöм мөдöдöмлысь став тöдчанлунсö.

Колö гөгöрвоны, мый тайö зэв ыджыд государственнöй важностья мероприятие, кодö отсалö фронтлы, обеспечивайтö миянлысь боецьясöс шоньд паськöмön, кыпöдö налысь боеспособность да вдохновляйтö найöс выль победаеясö.

ЗАНЯТИЕЯС МУНÖНЫ РЕГУЛЯРНÖЯ

Вильгортса учебнöй подразделениеын занятияяс мунöны регулярнöя 6 часөн вежонын. Подразделениеса став боецьяс занятияяс выльö воын стöч индём кадö да программа усваивайтöны бура. Найö петкөдлöны торйөн ыджыд интерес строевöй подготовка да оруженлысь—винтовкалысь, пулемётлысь,

гранаталысь материалнöй часть изучайтöм динö.

Боецьяслөн öти желание—öйдöджык да „отлично“ оценкөн усвоитны программма, овладейтны военнöй делöөн, медым лоны дасён любöй минутö босьтны оружие да пöщадатöг истребляйтны врагöс.

Н. ВАТАМАНОВ.

Тыртны силосуйтчöм кузя план

Сы могысь, медым обеспечитны общественнöй скöтöс тырмымön көрымön, районса передовöй колхозьяс, став видзьяс выльсь турун идралöмön, петисны пуктыны турун вöркостьясысь, кытысь найö чукöртисны уна центнер вылын качества көрым. Талы примерön лöбны Лопьяса, Лöзымса да мукöд сиктъясса колхозьяс. Уна колхозьяс содтöдөн тыртисны силосуйтчан план да öнi, став позянлуньяс ипользуйтöмön, заводитисны содтöд силосуйтны көрым.

Вильгортса „Краснöй партизан“, „КИМ“ да Чапаев нима сельхозартельяс силосуйтöны капуста кор да овоцнöй культураясысь мукöд отходьяс. Слöбдаса „Чарла мөлт“ сельхозартель мөдпöв ытшикс 10 гектар видз да сы выльсь босьтöм турун силосуйтис.

Кöрым силосуйтöм дружна мунис Зеленец сиктö-

ветса колхозьясын. Торъя колхозьяс силосуйтчан план тыртисны ниш содтöдөн. Например, „Луч“ сельхозартель план серти 127 тонна пыдди көрым силосуйтис 145 тонна, „XIV-öд Октябрь“ сельхозартель 107 тонна пыдди силосуйтис 110 тонна. Тайö луньясö силосуйтчöм помалöны и мукöд колхозьяс.

Силосуйтчöм оз омöля мун и Юб, Лöзым да Паджага сиктөветьясын, көнi уна колхозьяс силосуйтчан план тыртисны содтöдөн.

Но районны силосуйтчан план тыртöма сöмын на 98 прöцент выльö.

Кöрым силосуйтан план тыртöм выльö миян эмбсь став позянлуньяс. И тайö позянлуньясö ми должнебсь ипользуйтны максималнöя.

Регыд общественнöй стадо ковмас йöртны картаеяс. Миян мог—обеспечитны скöтлы бур, пöтöс да шоньд тöвйöм.

Сетны ыджыдджык отсöг фронтлы

Слöбдаса „Чарла Мөлт“ колхоз районны передовöйясысь öти. Тани колхозникьяс да колхозницаяс асланыс самоотверженнöй стахановскöй уджөн шедöдисны замечательнöй успехьяс.

Колхоз аскадö да бура нудис тавося сельскохозяйственной уджыяс, тырвйöй расчитайтчис государствокöд йöв, яй, овощи, картофель да нянь поставка кузя. 1942 вося поставка щöт весьтö колхозön сдайтöма ниш 600 кило-

грамм яй да госзакуп серти вузалöма 2.000 литр йöв.

Колхоз иментö тырвйöй укомплектуйтöм нель ферма—молочно-товарнöй, свиноводческöй, овцеводческöй да птицеводческöй. Фермаясын уджалысысь тышкасьöны скöтлысь продуктивность кыпöдöм вöсна. Найö зильöны сетны ыджыдджык отсöг фронтлы, обеспечитны Краснöй Армия да Флот яйөн, выйөн да мукöд продуктаеясөн.

А. КОДАНЕВА.